

ԽՈՇՈՐԱԳՈՒՅՆ ԳԻՏՆԱԿԱՆԸ

Սովետական գիտությունը մեծ կորուստ կրեց: Ստեղծարար ուժերի ծաղկման շրջանում վախճանվեց խոշորագույն գիտնական, սովետական և հասարակական ականավոր գործիչ, ՍՍՌՄ Գիտությունների ակադեմիայի պրեզիդենտ, ակադեմիկոս Սերգեյ Իվանովիչ Վավիլովը:

Ակադեմիկոս Ս. Ի. Վավիլովի գիտական և հասարակական գործունեության առանձնապես լայնորեն ծավալվեց Հոկտեմբերյան Սոցիալիստական մեծ ռեվոլյուցիայից հետո: Մոսկվայի համալսարանի պրոֆեսորի պոստում և ապա մի շարք ինստիտուտներում, որտեղ աշխատում էր Սերգեյ Իվանովիչը՝ իր աշակերտներով, նա զգալի աշխատանք է կատարել լյուծինիացենյիայի բնագավառում, որը համաշխարհային համրավ բերեց նրան:

1945 թվականին Ս. Ի. Վավիլովն ընտրվեց ՍՍՌՄ Գիտությունների ակադեմիայի պրեզիդենտ: Հմտորեն ղեկավարելով սովետական գիտնականների վիթխարի կոլեկտիվը, ակադեմիկոս Վավիլովը կարողացավ ճիշտ կազմակերպել սովետական գիտնականների ջանքերը՝ ընկեր Ստալինի տաջադրած խնդիրները կատարելու ոգով:

Ս. Ի. Վավիլովը եռանդուն կերպով պայքարում էր մեր Հայրենիքի բնակչության մեջ գիտական գիտելիքներ տարածելու համար: Նա գլխավորում էր Դադաթական և գիտական գիտելիքների տարածման համամիութենական ընկերությունը: Բր հանրամատչելի գիտելիքներով նա օրինակ տվեց, թե ինչպես կարելի է հասկանալի դարձնել ամենարարգ թվացող գիտական գաղափարներն ու թեորիաները:

Ակադեմիկոս Վավիլովը, զլխավորելով միութենական ռեսպուբլիկաների գիտությունների ակադեմիաների գիտական գործունեության կոորդինացման խորհուրդը, զրադվում էր միութենական ռեսպուբլիկաներից յուրաքանչյուրում գիտության զարգացման հարցերով:

Ակադեմիկոս Ս. Ի. Վավիլովը, լինելով Հայկական ՍՍՌ Գիտությունների ակադեմիայի պատվավոր անդամը, միշտ ամենախորհե տաքրքրությամբ էր ցուցաբերում մեր ռեսպուբլիկայում կատարվող գիտական աշխատանքի արդյունքների նկատմամբ:

Հանձին Սերգեյ Իվանովիչի մեր Հայրենիքը կորցրեց առաջավոր գիտնականի, կոմունիստական հասարակության ակտիվ կառուցողի, հիանալի հայրենասերի, ամբողջ աշխարհում խաղաղության գործի կրքոտ մարտիկի:

Սովետական Հայաստանի գիտնականները, ինչպես և Սովետական Միության բոլոր գիտնականները, միշտ կհիշեն ակադեմիկոս Վավիլովին և կհետևեն նրա պայծառ օրինակին:

Հայկական ՍՍՌ Գիտությունների
ակադեմիայի նախագահուրյուն